

Հ Ա Մ Ա Ռ Ո Տ Լ ՈՒՐ ԵՐ

ՇԻՆԱՐԱՐՈՒԹՅՈՒՆ

ԵՐԵՎԱՆԻ ՐՐԿՑԱ ՆՈՒՐԱ ԳՈՐԾՎԱԾՔՆԵՐԻ ԳՈՐԾԱՐԱՆԸ.— Հայաստանի մայրաքաղաքի արդյունաբերական ձեռնարկությունների շարքն անցավ բրդյա նուրբ գործվածքների գործարանը: Երևանի մահուդի գործարանից հետո, այս ձեռնարկությունը երկրորդն է մեր սեպտեմբերիկայում, որն արտադրելու է բրդյո գործվածքներ:

Տեսնողին հիացմունք են պատճառում վարդազույն տուֆով կառուցված շորս հարկանի շենքերը, որոնց ընդարձակ, լուսավոր դահլիճներում տեղավորված են մեքենաները: Եներից մեկը մանվածքային բաժինն է, որտեղ բրդից պատրաստվում են ամենանորը թելեր: Հենց այստեղ էլ ժամանակավորապես գտնվում է գործվածքային բաժինը: Մեկ-երկու ամսից հետո կավարտվի գործվածքային բաժնի հոյակապ շենքի կառուցումը և բոլոր գործող մեքենաները կտեղափոխվեն այնտեղ: Պատրաստվում է նաև գործվածքների ներկման բաժինը:

Այս գործարանը պատերազմից հետո Սովետական Հայաստանում կառուցված խոշորագույն ձեռնարկություններից մեկն է: Այն հազեցված է սովետական նորագույն մեքենաներով: Բանվորների և բանվորուհիների ճնշող մեծամասնությունը պատրաստված է տեղում մասնագետ վարպետների միջոցով:

ԳՅՈՒՄՈՒՇԻ ՀԻՒՐՈՒԼԻԿԵՏՐԱԿԱՑԱՆԻ ՇԻՆԱՐԱՐՈՒԹՅՈՒՆԸ.— Օրնիբոնն չեն դադարում Գյումուշի հիդրոէլեկտրակայանի շինարարական աշխատանքները: Հազարավոր մարդիկ քրտնաջան աշխատում են այս վիթխարի շինարարության վրա: Այստեղ ամենազգվարին մասը ջրատար մեծ թունելի փորումը և ամրացումն էր: Կառուցողները հաջողությամբ հաղթահարել են այդ դժվարությունը և ներկայումս թունելի կառուցումը առաջ է տարվում արագ թափով: Կառուցողների գլխավոր ուշադրությունը այժմ ուղղված է բաց ջրանցքի և հիդրոէլեկտրակայանի շենքի շինարարության վրա: Ավարտվում է ջրատար մետաղյա վիթխարի խողովակների տեղադրումը և զոգումը:

Գյումուշ գյուղի մոտ կառուցվող այս էլեկտրակայանը լինելու է Հրազդանի վրա կառուցվող էլեկտրակայաններից ամենախոշորը: Այն կունենա վճռական նշանակություն Սովետական Հայաստանի արդյունաբերության հետագա զարգացման համար: Այդ պատճառով շինարարներն աշխատում են մեծ եռանդով, որպեսզի էլեկտրակայանի կառուցումն ավարտեն սահմանված ժամկետում:

ԵՐԵՎԱՆԻ ԳԱՐԵՋՐԻ ՆՈՐ ԳՈՐԾԱՐԱՆԸ.— Երևան գործարան հանձնվեց Երևանի նորահառույց Գարեջրի

գործարանը: Այն հագեցված է նորագույն մեքենաներով, ունի ընդարձակ պահեստներ, բոլոր տեսակի հարմարություններ և տարեկան կարող է տալ երեք անգամ ավելի շատ արտադրանք, քան գոյություն ունեցող հին գործարանը:

ՀԱՅԿԱԿԱՆ ՍՍՌ ԳԵՐԱԳՈՒՑՆ ՍՈՎԵՏԻ ՆԻՍՏԵՐԻ ԴԱՀԼԻՃԸ.— Ավարտվեց Հայկական ՍՍՌ Գերագույն Սովետի նիստերի դահլիճի շինարարությունը: Դահլիճը թե՛ դասից և թե՛ ներսից ձևավորված է շատ շքեղ, հայկական ճարտարապետության և մանրանկարչության ոճով: Այս դահլիճով ավարտվեց Հայաստանի Կառավարական տան ամբողջ շինարարությունը, բոտ ահազանիկոս Ա. Թամանյանի նախագծի:

ԹԱՎԻՆԻ ՆՈՐ ԶՐՄՈՒՂԸ.— Ընթացիկ տարվա սկզբներին սկսվեց Թավինի ջրմուղի շինարարությունը: Այդ ջրմուղը, որն ունենալու է մի քանի տասնյակ կիլոմետր երկարություն, խմելու ջուր է մատակարարելու Թավինի շրջանի 12 գյուղերի, ինչպես նաև նորահառույց ավանների բնակչությանը: Զրմուղը սկիզբ է առնելու Իրինգ գյուղի մոտ գտնվող սառնորակ աղբյուրներից, որտեղ կառուցված է մեծ ավազան: Այդ ավազանից ջուրը մետաղյա խողովակներով կտրվի գյուղերին:

Զրմուղի շինարարությունն այժմ մտնում է իր ավարտմանը: Կառուցմանը գործոն մասնակցություն է ցույց տալիս սեղի բնակչությունը: Կառուցման ծախսերը, ինչպես և շինարարական նյութերի մատակարարումը հոգում է կառավարությունը: Զրմուղի առաջին հերթի շինարարությունը կավարտվի մինչև ընթացիկ տարվա հոկտեմբեր ամիսը:

ԵՐԵՎԱՆԻ ՊՈԼԻՏԵԽՆԻԿԱԿԱՆ ԻՆՍՏԻՏՈՒՏԻ ՆՈՐ ԵՆԵՔԸ.— Երևանի պոլիտեխնիկական ինստիտուտը Հայաստանի բարձրագույն ուսումնական հաստատություններից մեկն է: Պետական համալսարանից հետո, այս ինստիտուտը երկրորդն է իր մեծությամբ: Ամեն տարի այս ինստիտուտը պատրաստում է մեծ թվով տարբեր մասնագիտություն ինժեներներ՝ քիմիկոսներ, կառուցողներ, էլեկտրատեխնիկներ, հիդրոտեխնիկներ և այլն:

Ուսումնական աշխատանքների համար ավելի լայն հնարավորություններ ստեղծելու նպատակով կառավարությունը որոշել է կառուցել ինստիտուտի նոր շենք: Երևարարական աշխատանքներն արդեն սկսվել են: Նոր շենքը, որը կառուցվում է հնից ոչ հեռու, լինելու է հինգ հարկանի: Այն կունենա 72 ընդարձակ (տարան): Ութ փորձարահները (լաբորատորիաները) կահավորված կլինեն ամենաընտիր և կատարելագործված գործիքներով: Ենթե կունենա մարմնամարզական դահլիճ, հատուկ գրադարան, ընդհանուր հանդիսասրահ և այլն:

ԿՈՒՆՏՈՒՐԱԿԱՆ ԿՅԱՆՔ

ՆՈՐ ՈՒՍՈՒՄՆԱԿԱՆ ՏԱՐԵՇՐՋԱՆԸ ՀԱՅԿԱԿԱՆ ՍՍՈՒ-ՈՒՄ.— Սեպտեմբերի 1-ին Սովետական Հայաստանի բոլոր միջնակարգ և տարրական դպրոցներում սկսվեց նոր ուսումնական տարին: Ուսումնական տարին նախապատրաստված էր հաշոյի Դպրոցներն ստացան մեծ քանակությամբ նոր գրչւյք և ուսումնական պիտույքներ: Հրատարակվել է 30 անուն դասագիրք՝ մտ: երկու միլիոն օրինակ ընդհանուր տիրաժով:

Այս տարի ղեկավարվող հանրակրթական դպրոցներում սովորում են ավելի քան 300.000 աշակերտ-աշակերտուհիներ: Մանկավարժական կազմը համալրվեց բարձրագույն կրթություն ստացած 1.200 նորավարտ ուսուցիչներով:

Սեպտեմբերի 1-ից սկսվեցին պարաօմունքները նաև Հայաստանի 14 բարձրագույն ուսումնական հաստատություններում, որոնք այս տարի առաջին լսարաններն են ընդունել մոտ 3.000 նոր ուսանողներ:

ՄԵՆ ԳԻՏՆԱԿԱՆ ԶԻՇՏԱԿԻՆ.—Սովետական Հայաստանի գիտական հասարակությունը նշեց մեծ գիտնական, բնախույզ, բժիշկ, փիլիսոփա, անճիկ օդոլորդի հանճարեղ զավակ Արու Ալի Իրն-Սինայի (Ալիցիենայի) ծննդյան 1000-ամյակը: Հայկական ՍՍՐ Գիտությունների ակադեմիայի Երևանի գահչի-նում կայացավ երեկո, որին ներկա էին գիտնականներ, գրողներ, արվեստագետներ:

Ականավոր գիտնականի կյանքի և գործունեության մասին զեկուցում կարգաց Հայկական ՍՍՐ Գիտությունների ակադեմիայի իսկական անդամ Լ. Հովհաննիսյանը: Փիլիսոփայական գիտությունների թեկնածու Վ. Չալոյանը զեկուցեց Իրն-Սինայի փիլիսոփայության կուլտուր-պատմական նշանակության մասին: Վերջում Արու Ալի Իրն-Սինայի «Փրկության գիրք» աշխատության մի ձեռագիր օրինակի մասին, որը պահվում է Երևանի Մատենադարանում, հաղորդումով հանգես եկավ Պատմության ինստիտուտի ասպիրանտ Զ. Փափազյանը:

ՀԱՅԱՍՏԱՆԻ ԾԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԻ ՈՒՍՈՒՄՆԱՍԻՐՈՒԹՅՈՒՆԸ.— Հայաստանի ճարտարապետական հուշարձանների պահպանության կոմիտեի մի առանձին արշավախումբ, պատմական գիտությունների թեկնածու Զ. Եղիազարյանի ղեկավարությամբ, ալարտեց ճարտարապետական հուշարձանների ուսումնասիրումը: Բասարգեշարի, Մարտունու, Նոր-Բայազետի և Սևանի շրջաններում այդ արշավախումբն ուսումնասիրել է մի շարք հուշարձաններ, կատարել է 50 շափազրություն, շուրջ 250 լուսանկարում և հավաքել 50-ից ավելի արձանագրություններ, որոնք մեծ նշանակություն ունեն հայ ժողովրդի պատմության ուսումնասիրության համար:

ԳԻՏԱԿԱՆ ՍԵՍԻԱ՝ ՆՎԻՐԱՄ ՋԵՐՄՈՒԿ ԲՈՒԺԱՎԱՅԻ ԶԱՐԳԱՅՄԱՆ ԽՆԴԻՐՆԵՐԻՆ.— Ջերմուկի հանքային ջրերի համբավը արագորեն տարածվում է ողջ Սովետական Միության մեջ: Արևելյան Արփա գետի սկունքների մոտ, պատմական Վայոց ձորում գտնվող այս հրաշալի հանքային աղբյուրները, իրենց բացառիկ բուժիչ հատկություններով շատերին են զբաղում դեպի իրենց: Ամեն տարի, ինչպես Հայաստանի, այնպես էլ Սովետական Միության տարբեր ծայրերից այստեղ բուժվելու են գալիս ստամոքսի, հոգեի և ոսկրների ամենատարբեր հիվանդություններով տառապող հազարավոր մարդիկ: Ականավոր մասնագետները Ջերմուկի հանքային ջրերը բրենց հատկությամբ համեմատում են շխտայովակյան հրաշակավոր Կարլովի-Վարիի հանքային ջրերի հետ:

Արագ թափով զարգանում է Ջերմուկը որպես բուժավայր: Կառավարություն ամեն տարի խոշոր միջոցներ է հատկացնում այս բուժավայրի շինարարության և բարեկարգման համար: Միայն 1952 թվականին այդ հատկացումները կազմում են շուրջ 18.000.000 ռուբլի: Բացի դործող բուժական շենքերից, այժմ այստեղ կառուցվում են երեք խոշոր սանատորիա, լողարանների նոր շենք, հյուրանոց, կինոթատրոն և այլն:

Ջերմուկն ունի խոշոր հեռանկարներ: Գիտահետազոտական լայն աշխատանք է տարվում բուժավայրի հետագա զարգացման հետ կապված մի շարք խնդիրներ լուծելու համար: Գիտական այդ աշխատանքների արդյունքներն ամփոփելու և Ջերմուկի հետագա զարգացման միջոցառումներ նշելու նպատակով, Կուրորտուղիայի և բուժման ֆիզիկական մեթոդների ինստիտուտը երևանում հրավիրել է գիտական սեսիա:

Սեսիային մասնակցում էին ավելի քան 100 մասնագետ բժիշկներ, ինչպես նաև Մոսկվայից, Պյատոգորսկից, Սոչիից, Վրաստանից և Ադրբեջանից հրավիրված հյուրեր: Սեսիան տևեց 5 օր: Լսվեց 10 զեկուցում նվիրված Ջերմուկի զարգացման տարբեր հարցերին: Սովետական Միության Բժշկական գիտությունների և Հայկական ՍՍՐ Գիտությունների ակադեմիայի իսկական անդամ Լ. Հովհաննիսյանը զեկուցեց Ջերմուկ կուրորտի զարգացման հեռանկարների մասին: Հետաքրքիր էր գեոլոգիական գիտությունների թեկնածու Ա. Գնդիսիինի զեկուցումը Ջերմուկի ջրահանքային կարողությունների մասին:

Սեսիայից հետո, երևան ժամանած հյուրերը այցելեցին Ջերմուկը և տեղում ծանոթացան բուժավայրի հետ:

ՀԱՅԱՍՏԱՆԻ ԵՐԱԺԵՏԱԳԵՏՆԵՐԻ ՀԱՄԱԳՈՒՄԱՐԸ.—Տեղի ունեցավ Սովետական Հայաստանի երաժշտագետների երրորդ համագումարը: Երաժշտագետների միության վարչության նախագահ Ա. Սաթյանի հաշվետու զեկուցման շուրջը բացվեց մտքերի լայն

փոխանակությունը, Ելույթ ունեցողները, խոսելով վերջին տարիներում սովետահայ երաժշտագետների ստեղծագործական որոշ հաջողությունների մասին, միաժամանակ խիստ քննադատության ենթարկեցին միութայն վարչության գործունեությունը, մատանշելով, որ վերջինս հարկ եղած ուշադրությունը չի նվիրել երաժշտության զարգացման հարցերին:

Համագումարն ընտրեց Երաժշտագետների միության նոր վարչություն: Վարչության նախագահ ընտրվեց երաժշտագետ Գ. Եղիազարյանը:

ԼԵՆԻՆԱՑԻՆ ՊՏՂԱՐՈՒԵՆՈՒԹՅԱՆ ՋԱՐԳԱՑՈՒՄԸ.

Հայաստանի Գիտությունների ակադեմիայի Պտղաբուծության ինստիտուտը Լենինականում ունի իր բաժանմունքը, որն զբաղվում է Լեռնային պտղաբուծության զարգացման հարցերով: Բաժանմունքի աշխատողներն ընտրել են ինչպես Հայաստանում, այնպես էլ Սովետական Միության տարբեր շրջաններում աճող տանձի, խնձորի, սալորի, բալի, մոշի, մորի և այլ պտուղների մի քանի տանձի տեսակներ և տարիների ընթացքում խնամքով աճեցրել իրենց փորձագաշտերում, հարմարեցնելով այդ բույսերը Հայաստանի բարձր Լեռնային շրջանների ցուրտ կլիմայական պայմաններին: Ներկայումս Նոր-Բայազետի, Մարտունու, Բասարզեշարի, Սպիտակի, Ախուրյանի, Թալինի և մի քանի այլ Լեռնային շրջանների կուլիկտիվ տեսնություններն ունեն մոտ 800 հեկտար այգիներ, որոնք հիմնվել են Լենինականի բաժանմունքի աշակցությունը և այստեղից ստացված տեղիներով: Միայն այս տարվա գարնանը և աշնանը հիշյալ շրջանների կուլիկտիվ տեսնությունների համար բաց է թողնված մոտ մեկ միլիոն հատ տրեկիներ և կտրոններ:

Բաժանմունքի աշխատողները զբաղվում են նաև բոլորովին նոր տեսակի պտուղներ աճեցնելով: Տարբեր տեսակների տրամախաշումից ստացվել են ուրույն տեսակի խնձորներ, որոնց բաժանմունքի աշխատողները անվանել են «Շիրակի» և «Վաղահաս»: Խոն-

ձորի այդ նոր տեսակներն աճել են ընկուճ իրենց մեծություններ, համով և հյութեղությամբ:

Բաժանմունքը սերտ կապ է պահպանում Սովետական Միության տարբեր մասերում, հատկապես Հեռավոր-Արևելքում և Սիբիրում գտնվող նման գիտահետազոտական հաստատությունների հետ: Այդ կապը խոշոր շափով օգնում է նրանց աշխատանքներին:

ՀԱՅԱՍՏԱՆԻ ԾԱՐՏԱՐԱՊԵՏՆԵՐԻ ՀՅՈՒՐՆԵՐԸ.

Վերջերս Գերմանական Գեմոկրատական Ռեսպուբլիկայի ճարտարապետների և կառուցողների պատվիրակությունը այցելեց Սովետական Միություն՝ ծանոթանալու շինարարական գործի զրվածքին: Այդ պատվիրակությունը եղավ նաև Հայաստանում: Մի քանի օր շարունակ հյուրերը մեծ հետաքրքրություն դիտում էին նոր Երևանը, ծանոթանում ճարտարապետական հուշարձաններին: Նրանք եղան Էջմիածնում, դիտեցին Հայաստանի պետական թանգարանը, Պատկերասրահը, Մատենադարանը, մանրամասնորեն ծանոթացան մայրաքաղաքի շինարարությանը:

Մեկնելուց առաջ պատվիրակության ղեկավար,

Կ. Լիբկեխտը, որը հանդիսանում է Ճարտարապետության և շինարարության գերմանական ակադեմիայի նախագահը, ինչպես նաև պատվիրակության մի քանի ուրիշ անդամները խորին շնորհակալություն հայտնեցին Երևանում պատվիրակությանը ցույց տրված չեքմ ընդունելության համար: Նրանք իրենց հիացմունքը հայտնեցին վերակառուցվող Երևանի շինարարության առթիվ, մատանշեցին հայկական ճարտարապետության ինքնուրունությունը և վեհությունը, սովետական շինարարական տեխնիկայի խոշոր նվաճումները: Հյուրերն առանձնապես հիացած էին նրանով, թե ինչպիսի խնամքով ու շքեղությամբ են կառուցվում մեզ մոտ արդյունաբերական ձեռնարկությունների շենքերը, որոնք օժտված են բանվորների համար աշխատանքային հիանալի հարմարություններով և կենցաղային ու առողջապահական բոլոր անհրաժեշտ պայմաններով:

